

## DE MUUR VAN GRUNNEN

Ik wait van het gemis  
En hou het was  
En hou het is  
Geef t moar aan mie  
Loat t moar bie mie

Ik wait van al dat wachten  
De woede, stried  
De sloapeloze nachten  
Loat dat moar bie mie  
Geef dat moar aan mie

Ik wait van dien onzekerhaid  
De pien, de angsten  
Het verdrait. Van die  
Loat dat moar bie mie

*Ik was der bie  
Toun ze beloofden  
Dat ze het begrepen  
Moar da s nait bleken  
Anders stond st doe nou nait hier*

*Ik was der bie  
T oordail des hoger hand  
Hou st in een slecht bouk bist beland  
Mit ain bain in een depressie*

Ik wait as goudbedoulde  
Hou st doe worstelde  
Hou t vuilde  
Loat dat moar bie mie  
Geef dat moar aan mie

Ik wait t van dien kind  
En wat dij vindt  
En sloapt of nait  
Deur dien verdrait  
Tussen joe baaidend  
Loat t moar bie mie  
Geef t moar aan mie

**Loat mie dien scholder veur die wezen  
Veur wat vertrauwen in het leven  
Leste buusdouk om dien troanen te kinnen  
dreugen**

**Geef mie dien sores  
Geef mie dien sonden  
Geef mie dien löt  
Woaraan wie binnen verbonden  
Ik wil dien verhoal  
En ik zal die aaltied geleuven**

Ik wait t van dien hoes  
Woar is dien thoës  
En is er raauw  
Woar kist noar tau?  
Kom din moar bie mie  
Loat t moar bie mie

*Ik was der bie  
Dat de gepoetste schounen  
Een oordail velden  
Doar konst t din mit doun  
Veur de rest van dien bestoan*

*Ik was der bie  
dat veul gedupeerden  
Heur emoties voak maskeerden  
En dat Grunnen  
Weer in de koale bleef stoan!*

**Loaten wie t verleden nait vergeten  
Bie wat wie nou waiten in dit leven  
Doarom mouten wie veur ze stoan en goan  
schraauwen**

**Zodat we ze een plek kinnen geven  
Zodat ze weer deur kinnen goan mit leven  
Om aan een toukomst eindelek te kinnen  
baauwen**

**Dus:  
Schrief, bid, verwaark, hoop, troost, proat,  
vuil, kloag  
Gedenk, zuik, bevrijd en heb laif  
Vraag, koester, dank, vergeef, verlös,  
herinner, erken, leef  
Verman, verbroeder, zing, omaarm en  
schraai**

©Tekst & muziek van Erwin de Vries

